

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

SEGURTASUNAREN SAILA

Administrazio Zerbitzua

2024an Vitoria-Gasteizko taxi-zerbitzuan errekuntza-motorra duten ibilgailuen ordez ibilgailu elektriko matrikulatu berriak erosteko dirulaguntzak emateko deialdi publikoa eta hori arautuko duten oinarriak

Tokiko Gobernu Batzarrak 2024ko ekainaren 21ean egindako ohiko bilkuran onetsi zituen 2024an Vitoria-Gasteizko taxi-zerbitzuan errekuntza-motorra duten ibilgailuen ordez ibilgailu elektriko matrikulatu berriak erosteko dirulaguntzak emateko deialdi publikoa eta hori arautuko duten berriazko oinarriak.

Administrazio Publikoen Administrazio Prozedura Erkidearen urriaren 1eko 39/2015 Legearen 45.1 artikuluan xedatutakoaren ildotik, argitara ematen dira, denek izan dezaten horien berri.

Vitoria-Gasteizen, 2024ko ekainaren 24an

Segurtasunaren Saileko Administrazio burua
ETXAURREN MENDÍA URQUIJO

Berriazko oinarriak

1. Deialdiaren xedea

Vitoria-Gasteizko taxi-zerbitzuan errekuntza-motorra duten ibilgailuen ordez ibilgailu elektriko matrikulatu berriak erosteko dirulaguntzak ematea da deialdi honen xedea. Honen bitartez, airearen kalitatea hobetzen lagunduko da, baita kutsadura akustikoa, berotegi-efektuko gasen emisioak eta energia-kontsumoa murrizten ere.

2. Hartzaileak

Honakoak izan daitezke dirulaguntzen hartzaileak:

– Vitoria-Gasteizko Udalak emandako hirirako taxi-lizentzietako baten jabe diren pertsona fisikoek eskatu ahal izango dute dirulaguntza, lehendik lizentzia horri atxikitako ibilgailua ordeztuko duen ibilgailurako.

– Vitoria-Gasteizko taxi-elkarteak, baldin eta dirulaguntzaren xede den ibilgailua Vitoria-Gasteizko taxi-lizentzia duen ibilgailu bat ordeztuko erabiltzen bada.

Ibilgailu bakarra lagunduko da diruz pertsona fisiko eta elkarte bakoitzeko.

Ezingo dira onuradun izan Dirulaguntzen Lege Orokorren (DLO) 13. artikuluko 2. eta 3. ataletan ezarritako debeku-egoeratan dauden eskatzaile fisiko edo juridikoak.

2024eko urtarrilaren 1a baino lehen jaulkitako erosketak-faktura duten eskabideek ezingo dituzte laguntzak eskuratu.

3. Ibilgailuen baldintzak eta betekizunak

Taxi-lizentzien titularrek 2024an erosi dituzten ibilgailu elektriko huts berriengatik bakarrik jaso ahal izango da dirulaguntza.

4. Aurrekontu-zuzkidura eta dirulaguntzaren zenbatekoa

Oinarri hauetan zehaztutako ekintzetarako aurrekontua 40.000,00 eurokoa izango da, guztira.

Dirulaguntzaren zenbatekoa hamar mila eurokoa (10.000,00 euro) izango da eskabide ba-koitzeko.

Segurtasunaren Sailaren aurrekontuko 2024.3060.4412.77000 partidan – "Taxi elektrikoak erosteko dirulaguntzak" – dago jasota zuzkidura; hala ere, 2024ko aurrekontuan zuzkidura egoki eta nahikorik egon behar du, orduan ebatziko baita deialdia.

5. Dirulaguntza emateko prozedura

Dokumentazio osoa sarrera-erregistroan sartu den hurrenkerari jarraituko zaio dirulaguntzak emateko (eguna, hilabetea, ordua eta minutuak) , 4. atalean adierazitako aurrekontu-mugara iritsi arte.

6. Eskabideak aurkezteko epea eta modua

1. Deialdi honen laburpena Dirulaguntzen Datu-base Nazionalaren bitartez ALHAOn argi-taratzen den egunaren biharamunean hasiko da eskabideak aurkezteko epea, eta gorabehera hauetakoren bat gertatzen denean amaituko:

a) Behar bezala beteta jasotako eskabideek aurrekontua agortzea.

b) 2024ko urriaren 31era iristea.

c) Aurrekontua 2024ko urriaren 31a baino lehen agortzen bada, eskabideak behin-behineko zerrendan erregistratu ahalko dira, eta sarrera-erregistroaren hurrenkerari jarraituta erantzungo zaie, baldin eta aurrekontua geratzen bada alde aurretik esleitutako dirulaguntzak bertan behera utzi direlako, onartu ez direlako edo uko egin zaielako.

2. Interesaturik daudenek II. eranskineko eskabide-eredua baliatuta aurkeztu beharko dute eskabidea, aurrez aurre herritarrei laguntzeko bulegoetan edo Vitoria-Gasteizko Udalaren egoitza elektronikoko helbide honetan: <https://sedeelectronica.vitoria-gasteiz.org>; orobat aurkeztu ahalko dira legez aurreikusitako gainerako moduetan, Administrazio Publikoen Administrazio Erkidearen urriaren 1eko 39/2015 Legearen arabera.

3. Eskabidean eskatzailearen NANA –edo IFK elkarte bada– agertu behar dira, ezinbestean, eta honako agiriak erantsi behar zaizkio:

– Dirulaguntzei buruzko azaroaren 17ko 38/2003 Lege Orokorraren 13. artikuluan onuradun izateko aipatzen diren debeku-egoeretako batean ez dagoela adierazten duen erantzukizunpeko adierazpena. (I. eranskina).

– Ibilgailua gutxienez lau (4) urtez Vitoria-Gasteizko taxi-zerbitzura atxikita egongo dela adie-razten duen erantzukizunpeko adierazpena. (I. eranskina).

– Ibilgailu elektriko huts berriaren jatorrizko faktura, saltokiak zigilatuta (II. eranskinean jaso-tako ereduan). Eskabidearekin batera ez dira oinarrien 9. atalean adierazi diren egiaztagiria-ur-keztu behar.

7. Instrukzioa eta ebazpena

Dirulaguntzen deialdi honen instrukzioan eta ebazpenean Vitoria-Gasteizko Udalaren diru-laguntzei buruzko ordenantza orokorrean ezarritakoa aplikatuko da. Ordenantza hori 2023ko urriaren 1etik dago indarrean, eta ALHAOn argitaratu zen, 88. zenbakian, 2023ko uztailaren 28an. Helburua Udalak emandako dirulaguntzak emateko prozeduraren oinarri arautzaile orokorrak ezartzea da.

8. Dirulaguntza ordaintzea

Dirulaguntzaren ehuneko 100 ordainduko da laguntza justifikatu ondoren.

9. Dirulaguntzak justifikatzea

Emandako laguntzak bi (2) hilabeteko epean justifikatu beharko dira, ebazpenaren jakinarazpenetik kontatuta.

Honako lege eta ordenantzei jarraitu behar zaie dirulaguntzak justifikatzeko: dirulaguntzei buruzko azaroaren 17ko 38/2003 Legearen 30. artikulua, eta hurrengoak, lege horren araudia onesten duen uztailaren 21eko 887/2006 Errege Dekretuaren 69. artikulua eta hurrengoak, eta Vitoria-Gasteizko Udalaren dirulaguntzei buruzko ordenantzaren 31.artikuluaren eta hurrengoetan.

Aipatutako artikulua horren ildotik, honako agiriak aurkeztu beharko dira dirulaguntzak justifikatzeko:

- Ibilgailuaren Azterketa Teknikoaren fitxa teknikoaren fotokopia.
- Zirkulazio-baimenaren fotokopia.
- Ibilgailu elektriko hutsa ordaindu izanaren egiaztatzea. Hauek dira, besteak beste, ordainketa justifikatzeko agiriak:

1) Transferentzia.

a) Egindako transferentzia-aginduaren frogagiria, finantza-erakundeak emana.

b) Egindako transferentziaren kargua ageri den kontu korrontearen laburpena (banketxeak zigilatua).

Bi kasuetan berariaz jasota agertu behar dira kontzeptua, transferentziaren onuraduna eta kontuaren titularra dela dirulaguntzaren onuraduna.

2) Txartela:

a) Txartelaz ordaindu izanaren frogagiria.

b) Txartelaz ordaindu izanaren kargua ageri den kontuaren laburpena.

Kasu guztietan berariaz jasota agertu behar dira kontzeptua, eragiketaren onuraduna, eta txartelaren titularra dela dirulaguntzaren onuraduna.

3) Banku-entitatearen bidezko finantziarioa:

Finantzaketa-kontratuaren kopia.

Vitoria-Gasteizko udalak ofizioz konprobatuko du ibilgailua taxi zerbitzuan erabiltzeko gaitzat jo dela.

10. Diruz lagun daitezkeen gastuak

Ibilgailua erosteko gastuak – BEZik gabe– joko dira diruz lagun daitezkeen gastutzat, Dirulaguntzei buruzko Legearen 31.8 artikulua ezarritako ondorioetarako.

11. Laguntzen bateragarritasuna

Dirulaguntza bateragarri izango da helburu berarekin Estatuko edo Europar Batasuneko edozein administrazio edo entitate publiko nahiz pribatuk edo nazioarteko edozein erakundek emandako bestelako dirulaguntza, laguntza, diru-sarrera eta baliabideekin.

Hala ere, emandako dirulaguntzaren zenbatekoak ezingo du gainditu, inolaz ere, dirulaguntzaren xedearen kostua, ez berak bakarrik, ez jasotzen den bestelako edozein dirulaguntza, diru-sarrera edo baliabiderek batera.

Onuradunek jakinarazi egin behar diote Vitoria-Gasteizko udalari udalaren ebazpenaren ondoren beste administrazio publiko batzuegandik helburu berarako laguntzak jasotzen badituzte, horien jakinarazpena jasotzen denetik hilabete pasa aurretik (III. eranskina).

12. Onuradunen betebeharrak

Onuradunek DLOren 14. artikuluan eta dirulaguntzen udal ordenantzaren 12. artikuluan xedatutako betebeharrak bete beharko dituzte.

Bereziki, honakoak bete beharko dituzte onuradunek:

– Dirulaguntzaren xede den ibilgailua dirulaguntza eskatzeko adierazi den lizentziari atxikitzea, 2024ean.

– Ibilgailu elektrikoa gutxienez lau urtez (4) erabiltzea taxi-zerbitzuan, atxikitzen denetik kontatuta. Gutxieneko denbora igaro aurretik ibilgailua zerbitzutik kentzen bada, itzuli egin beharko zaio udalari jasotako dirulaguntzaren zati proportzionala, aurreko paragrafoan adierazitako gutxieneko denbora bete arte, salbu eta ibilgailua Vitoria-Gasteizko beste taxi-lizentzia baten titularrari eskualdatu eta epe hori bete arte zerbitzua eskaintzen jarraitzen badu. Edonola ere, gutxieneko epearen baldintza betetzen ez bada, dirulaguntzaren onuradunaren erantzukizuna izango da proportzionala itzultzea.

– Vitoria-Gasteizko udalari laguntzea elektromugikortasuna sustatzeko antolatzen dituen jardueretan.

– Vitoria-Gasteizko udalak emandako itsasgarria jartzea ibilgailuaren kanpoko aldetik ikus-teko moduko lekuren batean. Itsasgarriak ibilgailuak taxi-zerbitzurako ibilgailu berri elektrikoak erosteko dirulaguntza deialdi honetan laguntza jaso duela adieraziko du.

13. Dirulaguntza itzultzea

Egoera hauetakoren bat gertatuz gero– dirulaguntza eskatu eta eman zen xederako ez erabiltzea, dirulaguntza ekarri duen ekintza ez burutzea, dirulaguntza ezarri zen xederako aplikatu zela ez justifikatzea edo nahikoa ez justifikatzea, eta, oro har, ezarritako betebeharrak ez betetzea–, onuradunek itzuli egin beharko dute emandako eta jasotako zenbatekoa, aplikagarri zaizkion berandutze interesak gehituta, DLOren 37. artikuluan eta Vitoria-Gasteizko Udalaren dirulaguntzei buruzko udal ordenantzaren 40. artikuluan xedatutakoaren arabera.

14. Arau-haustek eta zigorrak

Dirulaguntzen Lege Orokorren 59. artikulutik 69.era bitartekoetan eta Vitoria-Gasteizko dirulaguntzei buruzko udal ordenantzaren 43.artikuloan ezarritakora egokituko da arau-hauste eta zigorren erregimena.

15. Aplikatzekoa den araudia

Deialdi honetan ezarritako prozedura Vitoria-Gasteizko Udalaren Osoko Bilkurak 2023ko apirilaren 21ean onartutako dirulaguntzen ordenantza orokorrean (ALHAO, 88 zk., 2023ko uztailaren 28koa) ezarritakoaren mende dago, beti ere DLOan, dirulaguntzen udal ordenantzan eta deialdiaren oinarri orokorretan ezarritakoaren kontrakoak ez badira.

Udalaren www.vitoria-gasteiz.org webgunean kontsulta daitezke deialdi honi buruzko agiri guztiak.